



<i>Identificación del Registro y Funcionario</i> REGISTRO MARIA PITA MEMV		SELLO DE ENTRADA Fecha: 29/05/2020 Número: 17066
<i>Código del Asiento</i> RMPE140D62		 15030 A RMPE140D62
<i>Fecha y Hora de Registro</i> 29/05/2020 12:26:25		

JUSTIFICANTE DE PRESENTACIÓN DE DOCUMENTOS EN EL REGISTRO

FECHA, HORA Y NUMERO DE REGISTRO

29/05/2020 12:26:25 nº17066

EXTRACTO (Contenido del escrito)

MOCION SOBRE A LINGUA GALEGA

INTERESADOS

PRI: GRUPO MUNICIPAL DO BLOQUE NACIONALISTA GALEGO <---> Plaza MARIA PITA, Nº1 , CP 15001 - CORUÑA (A) - A CORUÑA

DOCUMENTACIÓN APORTADA

106B32225I0R4T3F0D4E - Solicitud general
Original electrónico

Este justificante deberá ser presentado para obtener cualquier información sobre el escrito al que hace referencia.

LEYENDA: [F]Funcionario [N]Negociado [O]Otros [PRI]Principal [REP]Representante [SEC]Secundario

O Grupo Municipal do Bloque Nacionalista Galego (BNG), a iniciativa da súa concelleira Avia Veira González, ao abeiro do Regulamento Orgánico Municipal, presenta a seguinte MOCIÓN, sobre a lingua galega

Exposición de motivos

O proceso de normalización da lingua galega impulsado até o día de hoxe por parte das Administracións públicas non foi suficiente para garantir o dereito a vivir libremente na lingua propia de Galiza. A día de hoxe, constátanse importantes vulneracións á legalidade vixente como o Estatuto de Autonomía, a Lei de normalización lingüística ou a Carta europea de linguas rexionais ou minoritarias, mais tamén existe un importante desleixo por parte da Xunta de Galiza á posta en marcha de políticas que favorezan o uso do galego e contribúan a aumentar o número de galegofalantes. A política lingüística emprendida polo actual goberno galego non vai na dirección correcta e así o demostran os diferentes estudos realizados polo Consello da Cultura Galega (CCG) e a Real Academia Galega (RAG) en relación á lingua galega.

Asistimos a un panorama onde as persoas galegofalantes non gozamos de dereitos que nos amparen no uso do idioma día a día, resulta evidente que a pouca lexislación que pode protexernos non se aplica mentres que as máis de 500 disposicións legais que obrigan e protexen o castelán fanse cumplir rigorosamente. Resulta rechamante que sexa a propia Xunta de Galiza e outras Administracións públicas as que incumpren os mandatos legais.

As políticas promovidas polo Partido Popular están lonxe de contribuír o uso da lingua galega, más ben están provocando todo o contrario, cuxo máximo emblema é o Decreto do plurilingüismo. Este decreto prohíbe dar certas materias no idioma propio do país, furtándolle á mocidade a posibilidade de adquirir coñecementos en galego e, polo tanto, incumprindo co mandato de garantir que o alumnado teña o mesmo nivel de competencias nas dúas linguas oficiais.

Alén do decretazo, o Partido Popular segue traballando arreo na minorización do galego pois non hai más que ver como o señor Núñez Feijóo xa se dirixe ao pobo galego en castelán nas súas comparecencias durante a pandemia provocada pola COVID-19. O presidente da Xunta, con esa actitude, só incide nos prexuízos cara á lingua galega. Por outra banda, vemos como as súas políticas van orientadas ao monocultivo do Xacobeo, mentres partidas orzamentarias para o fomento da lingua e da cultura galegas foron drasticamente reducidas. Concretamente, as políticas de fomento da lingua galega apenas superan os 8,5 millóns de euros cando en 2008 se destinaban 23 millóns de euros.

BLOQUE NACIONALISTA GALEGO – A CORUÑA

Praza de María Pita 1. 15001, A Coruña. – Rúa Damas 4, baixo. Cidade Vella, 15001, A Coruña
✉ bngcoruna@bng.gal – bng@coruna.es – bngcorunha@gmail.com ☎ 981 184 283 – 669 381 398
🌐 www.bng-coruna.org – Twitter @BNGACorunha – Facebook BngACorunha

Froito da importancia da nosa lingua no eido internacional e os seus vínculos coa lusofonía e a lingua portuguesa, o Parlamento galego aprobou hai 6 anos a Lei 1/2014, do 24 de marzo, a chamada Lei Paz Andrade que a día de hoxe segue sen desenvolverse malia ao sentir favorábel da poboación galega.

Por todo isto, o Bloque Nacionalista Galego, propón que o Pleno da Corporación Municipal adopte o seguinte

Acordo

1. Instar a Xunta de Galiza e a Real Academia Galega a ampliar ao ano 2021 a dedicación do Día das Letras Galegas a Carvalho Calero.
2. Instar a Xunta de Galiza para que todos os membros do Goberno galego respecten a lexislación vixente e empreguen a lingua galega en todas as súas manifestacións públicas, nomeadamente o seu Presidente.
3. Demandar da Xunta de Galiza que adopte medidas económicas extraordinarias para apoiar o sector da cultura e do libro en galego.
4. Instar a Xunta de Galiza a derrogar o Decreto 79/2010, do 20 de maio, para o plurilingüismo no ensino non universitario de Galiza e elaborar un novo marco lexislativo que conte co consenso das forzas políticas do Parlamento galego.
5. Exixirlle á Xunta de Galicia a restitución do orzamento recortado durante os últimos anos, incrementando as partidas dirixidas á defensa e promoción da lingua galega e tamén as necesarias para implementar a Lei Paz Andrade.
6. Instar o Goberno local a realizar de campañas de dinamización lingüística e promoción do uso da lingua galega en dirixido a diferentes sectores, especialmente á infancia e á mocidade.

A Coruña, 29 de maio de 2020



Avia Veira González

Concelleira do Grupo Municipal do BNG

Á ALCALDESA-PRESIDENTA DO CONCELLO DA CORUÑA